

HALATRA OMBY

Omby very tany Ambatolampy, tany Arivonimamo vao tratra

M iara-miasa mihtisy ny mpivady amin'ny resaka halatra omby, amin'ny sehatry ny fandraisana omby halatra. Nisy omby vositra 2 very nangalarin'ny dahalo tao Midindronono Fokontany Tsiaozompaniry kao-minina Sabotsy Nama-toana Distrikan'Ambatolampy faritra Vakinankatra. Ny Chef de poste ny zandary Behenjy no nitarika zandary 4, nam-pian'ny zandary 2 avy ao amin'ny Poste Avancé Ampahimanga (Compa-



Ireto mpangalatra omby, sy mpandray omby halatra tratra.

gnie Arivonimamo). Tavela tao anaty hantsana ny omby iray ary ny faharao kosa dia hita tao

an-tranon'olona tany Ambohimanatrika Fokontany Tsaramandroso, Kaominina Amboanana Distri-

kan'Arivonimamo, rehefa natao ny fikarohana. Mbola nisy omby roa hafa tsy misy taratasy tratra tao anaty vala. Naverina tamin'ny tompony ireo omby vositra roa raha notanana am-bala ireo roa hafa mandra-pisehoan'ny tompony.

Mitohy ny fikarohana ireo namany ary tsy maintsy fongorina ireo dahalo sy ireo mpiray tsikombakomba aminy hoy ny ao amin'ny zandarimariam-pirenena.

Stefa

Fahasalamana

Olona miisa 9 hetsy amin'ny faritra 3 voaaro amin'ny tazo moka

Manohana ny famendrahana faobe Ranom-panafody mamono moka ho an'ny ady amin'ny Tazomoka i Etazonia. Olona miisa 9 hetsy eo anivon'ny faritra 3 eto Madagasikara no ho voaaro amin'ity taona 2022 ity. Manampy an'i Madagasikara amin'ny ady amin'ny tazomoka ny vahoaka amerikana, izay aretina anisan'ny manjaka indrindra tsaboina eny anivon'ny tobim-pahasalamana manerana ny firenena. Tamin'ny nanombohan'ny taona 2022 ka hatramin'izao, dia olona Maherin'ny iray tapitriza eto Madagasikara no voan'ny tazomoka, ka io aretina io no anisan'ny fahavalo mahery vaika indrindra mitrika fahafatesana any amin'ny hopitaly. Nandraintra ny lanonana natao tamin'ity herinandro ity tao amin'ny Kaominina Isorana ao amin'ny Faritra Matsiatra Ambony, dia ni-fanome tanana ny Governement Amerikana sy ny Fandaharanasa Nasionaly miady amin'ny Tazomoka (PNLP) eo anivon'ny Ministeran'ny Fahasalamam-bahoaka, mba hanokatra amin'ny fomba ofisialy ny famendrahana faobe ranom-panafody mamono moka, ho fampihenana ny tazomoka any amin'ny faritra Matsiatra Ambony, Anôsy ary Ihombe. Amin'ny alâlan'ny



Ny lanonana ara-pahasalamana tany Isorana.

Vinan'ny Filoha Amerikana ho an'ny Ady amin'ny Tazomoka (PMI), sy ny Sampandrahara Amerikana ho an'ny Famandrosoana Iraisam-pirene (USAID), dia rindrina anatin'ny trano miisa 200.000 no ho fafazana ranom-panafody mamono moka ny 31 Oktobra ka hatramin'ny 2 Desambra 2022. Olona miisa 900.000 any amin'ny Distrika dimy izay tena anjakan'ny ny tazomoka no hisitraka izany asa famendrahana izany, ka anisan'izany ny vehivavy bevohoka efa ho 36.000 ary zaza latsaky ny dimy taona Maherin'ny 150.000. "Ny famafazana ranom-panafody mamono moka ao anaty trano fenenana dia fepetra mahomby amin'ny fisorohana ny tazomoka, izay mbola manohintohina ny

fahasalamana'ny Malagasy sy ny fahasalamam-bahoaka," hoy i Solofo Razakamadihana, Mpian-draikitra ny Antontanisa momba ny Tazomoka ao amin'ny USAID/Madagasikara. "I famendrahana io dia tena afaka mampihena ny fiparitahan'ny tazomoka, indrindra rehefa ampiarahina amin'ny ezaka hafa toy ny fampiasana lay misy odimoka, ny fitsabona mialoha ny vehivavy bevohoka, ary ny fanomezana fitsabona sahaza ireo izay mararin'ny tazomoka rehetra." Mandritra ny het-sika faobe dia hisy ny fanaraha-maso isam-bolana ny asa famendrahana, mba hahazoana antoka fa mahomby ny famoana moka mitondra tazomoka, ary izany dia tanterahina amin'ny fana-rahana ny torolâlana

momba ny Covid-19, sy ny fitsipika momba ny tontolo iainana. Ny tetikasa Vectorlink, izay tohanan'ny PMI no hanantante-raka ny asa famendrahana sy ny fanarahamaso eny ifotony. Ny USAID dia nanohana ihany koa ny fizarana lay misy odimoka miisa 3,7 tapitriza mahery ho an'ny vondrom-piarahamonina avy any amin'ny distrika miisa 27 izay tena anjakan'ny tazomoka, nanome fanafody mitentina 500.000 dolara mahery, ary nanohana mpiasan'ny fahasalamam-bahoaka maherin'ny 17.000, mba hikarakarana ny ankizy madinika. Miara-miasa amin'i Madagasikara toy ny "mpirahalahy mianala" ny Governemanta Amerikana, mba hanamafisana ny fisitrahana'ny vahoaka Malagasy tolotra ara-pahasalamana manara-pe-nitra. I Etazonia no firenena mpamatsy vola lehibe indrindra amin'ny sehatry ny fahasalamana eto Madagasikara, izay mitentina 440 tapitriza dolara mahery nanomboka tamin'ny taona 2015, mba hamatsiana ny asa arapahasalamana, anisan'izany ny famatsiam-bola mitentina 26 tapitriza dolara tamin'ny taona 2021 ho an'ny ady amin'ny tazomoka.

Niaina

Tranga mampalahelo

Narian'ny mpiasan'ny kaominina anaty rano ny letchi ny mpivarotra



Ireto letchi nariana anaty rano tany Farafangana.

Nanampatra fahefana tamin'ny mpivarotra ny mpiasan'ny kao-minina sy ny kaominina any Farafangana faritra Atsimo Att-sinanana. Ny zava-nisy tany an-toerana omaly, noraofin'ny mpiasan'ny Kaominina ireo letchis novarotan'ny olona. Voalan'izy ireo fa tsy mbola azo hanina ny letchis satria tsy ampy ranon'orana ka mampa-

rary. Narian'izy ireo tany anaty renirano avokoa izany letchis izany. Tsy rariny izao nataon'ny mpiasan'ny kaominina izao hoy ireo mpivarotra any an-toerana, satria efa nilatsaka ny orana, noho izany efa matoy ireo voankazo namidy ireo ary efa menamena tsara araka ny tokony ho izy ny fahamasahany.

Niaina

Fifaninanana manao tetikasa, COP 27

Nahazo laharana faha-2 ny Green N'Kool Madagasikara

Nisy ny fifaninanana manao tetikasa ho an'ny tanora Francophone tamin'ny COP7, izay tanterahana any Egypta. Ny fikambanana Green N'Kool avy aty Madagasikara no nahazo ny laharana faha-2 tamin'ny fifaninanana: « Prix des solutions et initiatives innovantes des jeunes francophones à la COP 27 », izay nokarakarain'ny OIF: Fikambanana Iraisam-pirenen'ny Fran-kôfônia tamin'ity COP 27 ity. Tetikasa « Alt soap », fanodinana menaka sakafio izay efa tsy ampiasaina intsony, ho lasa savony fampiasa ao an-tokatrano no naroson'izy ireo tamin'izany. Vola mitentina 2000 Euro tao amin'ny pavillon de la francophonie no mari-pankasi-trahana azon'ireo tanora Malagasy nandroso izany te-tikasa izany.

Aly



Ireto avy amin'ny fikambanana Green N'Kool Madagasikara.

Basket-ball-Road To BAL Élite 16

Nahazo 4500 dolara avy amin'ny federasiona ny COSPN

Nahazo 4500 dolara amerikana avy amin'ny Federa-siona Malagasin'ny Basket-Ball (FMBB) ny ekipan'ny COSP, vatsin-dalana ho azy ireo.

Nitondra ny anjara birikiny, ho fanohana ny Ekipa COSPN, hiatrehany ny lalao fifaninanana Afrikana "Road To BAL Élite 16", hatao any Afrika Atsimo ny 22 ka-hatramin'ny 27 Novambra 2022 ho avy izao ny Federa-siona Malagasy Basketball-FMBB, ny alakamisy teo, tetsy amin'ny Foiben'ny Federasiona etsy 67ha no na-nolorana izany. Nisolo tena ny FMBB ny Filohan'ny FMBB Ramaroson Jean Michel. Tetsy ankilany, dia na-neho ny fankasitrahana ihany koa ny COSPN, tamin'ny alalan'ny Talen'ny Kabinetran'ny Ministeran'ny filaminana anatin'y, Kaomisera Divizionera Randriambelo Ny Aina. Eo amin'ny lafiny teknika dia vonona hiatrika ny fifaninanana any Afrika Atsimo ny COSPN, araka ny nambaran'ny Filohany ny Kaomisera SAMY Harisson. Hisolo tena ny Federasiona mandritra ny Lalao fifaninanana "Road To BAL Élite 16" hatao any Cape Town i Tsimbina Andrianaivo, mpikambana eo anivon'ny Federasiona.

Lita



Ny fanolorana vatsin-dalana ho an'ny COSPN.

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues.

Rota R.